



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLII. Annua contributio per Monasterium Sanctæ Scholasticæ
Congregationis Casinendis Ordinis S. Benedicti facienda Monasterio Sacri
Specus ejusdem Congregationis, & Ordinis, fieri censetur etiam ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Obstantium
derogatio.

quoquam quavis autoritate scienter, vel ignoranter contigerit attentari.

§. 17. Non obstantibus præmissis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon etiam juramento, confirmatione Apostolica, vel quavis firmitate alia roboratis Statutis, Stilis, Ulibus, & Consuetudinibus etiam immemorabilibus, ac quorumcumque Prædecessorum nostrorum Literis, Privilegiis, Indultis, & Facultatibus quibuscumque etiam dictis Cardinalibus, eorumque Congregationibus sub quibuscumque verborum tenoribus, & formis, ac cum quibuscumque etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis, etiam motu, scientia, & potestatis plenitudine similibus, etiam concistorialiter, vel alias quomodo libet in contrarium præmissorum concessis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Terminus
peremptorius
ad hujus
Constitutio-
nis obliga-
tionem.

§. 18. Volumus autem, ut lapsis decem respectu dictæ Urbis, ejusque Districtus, ac viginti diebus respectu totius reliqui Status nostri Ecclesiastici, postquam præsentibus Literæ Valvis Ecclesiæ Lateranensis, & Basilicæ Principis Apostolorum, & in Acie Campi Floræ de eadem Urbe per aliquem ex Curforibus nostris affixæ, & publicatæ fuerint, omnes, & singulos tam in Urbe, quam in Statu præfatis existentes perinde ardeant, ac si unicuique eorum personaliter, ac nominatim intimatæ fuissent; utque ipsarum præsentium Literarum transumptis, seu exemplis, etiam impressis, manu alicujus Notarii publici subscriptis, & Sigillo personæ in Ecclesiastica dignitate constitutæ munitis, eadem prorsus fides in Judicio, & extra illud ubique adhibeatur, quæ ipsis præsentibus adhibetur, si forent exhibitæ, vel ostensæ.

Clausula.

§. 19. Nulli ergo omnino hominum liceat paginam hanc nostrorum approbationis, confirmationis, & innovationis, prohibitionis, abrogationis, decretorum, præceptorum, mandatorum, & statutorum, ordinationum, voluntatis, & derogationis infringere, vel ei ausu temerario contraire: Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 1.
Febr. 1735.
An. V.

Datum Romæ apud Sanctam Mariam Majorem Anno Incarnationis Dominicæ millesimo septingentesimo trigesimo quinto, Kalendis Februarii, Pont. nostri An. V.

A. Card. Pro-Dat. F. Card. Oliverius.

V I S A.

De Curia J. Archiepiscopus Ancyranus.

Loco ✱ Plumbi.

I. B. Eugenius.

Registrata in Secretaria Brevium.

Anno a Nativitate Domini Nostri Jesu Christi Millesimo septingentesimo trigesimo quinto, Indictione decima tertia, die vero 22. Mensis Februarii, Pontificatus Sanctissimi in Christo Patris, & Domini Nostri Domini Cle-

mentis Divina providentia Papæ XII. Anno V. supradictæ Literæ affixæ, & publicatæ fuerunt ad Valvas Ecclesiæ Lateranensis, & Basilicæ Principis Apostolorum, in Acie Campi Floræ, ac in aliis locis solitis, & consuetis Urbis per me Joannem Triphellium Apost. Curf.

Joseph Olivetani Mag. Curf.

Annua Contributio per Monasterium Sanctæ Scholasticæ Congregationis Casinensis Ordinis S. Benedicti facienda Monasterio Sacri Specus ejusdem Congregationis & Ordinis fieri censetur etiam titulo Compensationis quorundam bonorum, ac fieri debet in pecunia numerata.

CLII.

C L E M E N S P P . X I I .

Ad futuram rei memoriam.

§. 1. **A**lias inter diversas ordinationes, quas pro instauratione, salubrique regimine, & gubernio Monasterii Sacri Specus prope Oppidum Sublacem. Congregationis Casinensis Ordinis Sancti Benedicti, per terras nostras in simili forma Brevis expeditas Literas edidimus, certis ex causis tunc expressis mandavimus, ut Monasterium Sanctæ Scholasticæ eorumdem Congregationis, & Ordinis ipsi Monasterio Sacri Specus adjacens summam quingentorum quadraginta quinque scutorum monete Romanæ quotannis contribuere deberet in duabus equalibus solutionibus pro sustentatione quatuor Monachorum, duorumque Conventuum, ac unius Famili, cum equo, sive mula in dicto Monasterio Sacri Specus, cum facultate in diminutionem annuæ summæ sic contribuendæ, subministrandi totum panem, vinum, & oleum necessarium alimonie præfatarum, aliarumque personarum in eodem Monasterio Sacri Specus pro tempore degentium; Ac subinde decrevimus, quod Procurator Generalis prædictæ Congregationis Casinensis itidem pro tempore existens, solus deinceps, & unicus Superior, & Abbas foret ipsius Monasterii Sacri Specus, quin Abbas alterius Monasterii Sanctæ Scholasticæ se in illius gubernio, quoad spiritualia, & temporalia ingereret, sed ad dictum Procuratorem Generalem omnimoda ejus administratio, atque directio, Religiosorumque destinatio, & mutatio spectarent, & alias prout in literis nostris præfatis novissimis quidem die iv. Maii proximi præteriti emanatis, quarum tenores præsentibus pro plene, & sufficienter specificatis, & ad verbum insertis haberi volumus, uberius continetur.

Statutum
alias a Pontifice
contributionem,
de qua in
Rubrica,
fieri posse in
pane, vino
&c. & Procuratorem
Generalem
Congregationis
Casinensis
esse Superiorem
Monasterii Sacri
Specus.

§. 2. Cum autem sicut Venerabilis Frater noster Petrus Marcellinus Episcopus Tusculanus Sanctæ Romanæ Ecclesiæ Cardinalis Corradinus nuncupatus, supradictæ Congregationis Casinensis apud Nos, & Sedem Apostolicam Protector, Nobis novissime exposuit, præfatum Monasterium Sacri Specus, antequam eidem Congregationi Casinensi, simul cum alio Sanctæ Scholasticæ uni-
retur, non solum proprios Priores, & Monachos haberet, sed plura etiam Prædia, Census, alique bona, res, & jura obtineret, quæ post obitum Prioris, & Monachorum prædictorum dicto Monasterio Sanctæ Scholasticæ incorporata fuerunt; attenta vero separatione unius Monasterii ab altero ita per Nos facta, lites, controversiæ, seu prætensiones inter utrumque Monasterium hujusmodi, quæ Religiosam tranquillitatem, fraternamque charitatem, ac animorum concordiam inter Monachos dictorum Monasteriorum summopere necessariam perturbarent, facile progressu temporis, nisi pervertantur excitari possent; Sicut quoque multarum dissensionum, &

Causæ recedendi ab hoc
Statuto.

queri-

querimoniis occasio tolleretur, si cautum foret, ut præfata summa quingentorum quadraginta quinque scutorum, quam dictum Monasterium Sanctæ Scholasticæ eidem Monasterio Sacri Specus annuatim contribuere teneretur, in posterum in pecunia numerata integre persolveretur, quemadmodum ex conventionem inter dilectos filios modernos Abbatem, & Cellarium Monasterii Sanctæ Scholasticæ, ac Priorem, & Monachos Monasterii Sacri Specus prædictorum inita de præfati servaretur; Nobis propterea idem Petrus Marcellinus Episcopus Cardinalis humiliter supplicavit, quatenus in præmissis opportune providere, & ut infra indulgere de benignitate Apostolica dignaremur.

Nova determinatio
prout innuitur in Rubrica.

§. 3. Nos igitur ipsius Petri Marcellini Episcopi Cardinalis votis hac in re quantum cum Domino possumus favorabiliter annuere, ac utriusque Monasterii præfati paci, & tranquillitati prospicere cupientes huiusmodi supplicationibus inclinati; quod enarrata contributio quingentorum quadraginta quinque scutorum per dictum Monasterium Sanctæ Scholasticæ eidem Monasterio Sacri Specus quotannis facienda, sicuti præmittitur, etiam in compensationem, ac ex causa, & titulo compensationis Prædiorum, Censuum, aliorumque bonorum, rerum, & iurium, quæ olim ad ipsum Monasterium Sacri Specus spectabant, dictoque Monasterio Sanctæ Scholasticæ incorporata, seu quomodolibet applicata fuerant, fieri censetur. Itaut præfatum Monasterium Sacri Specus nihil, præter, & ultra annuam contributionem huiusmodi ratione Prædiorum, Censuum, bonorum, rerum, ac iurium prædictorum ab illo Sanctæ Scholasticæ prætere, aut petere, neque illud desuper molestare, vel inquietare valeat, sed ea contributione contentum sit, ac vicissim dictum Monasterium Sanctæ Scholasticæ summam quingentorum quadraginta quinque scutorum præfatorum singulis annis in duabus solutionibus æqualibus ad præscriptum priorum literarum nostrarum omnino, & exacte pendere ac contribuere teneatur, in compensatione quoque, & ex causa, & titulo compensationis huiusmodi, nec e tali contributione ullatenus quovis prætextu, & colore se se eximere, illamve differre possit: ac insuper quod istiusmodi contributio perpetuis futuris temporibus in pecunia numerata integre fieri debeat, ipsique Abbati Priori, & Monachis Monasterii Sacri Specus, aliunde, & undecumque voluerint, panem, vinum, & oleum emere, & parare liberum sit, auctoritate Apostolica tenore præsentium statuimus, declaramus, & ordinamus.

Hujus præcepti firmitas.

§. 4. Decernentes easdem præfatas literas semper, ac perpetuo, firmas, validas, & efficaces existere, & fore, suosque plenarios, & integros effectus sortiri, & obtinere, ac illos, ad quos spectat, & pro tempore, quodcumque spectabit in omnibus, & per omnia plenissime suffragari, & ab eis respective inviolabiliter observari, sicque in præmissis per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ præfatos Cardinales etiam de Latere Legatos, & alios quolibet quavis præeminentia, & potestate fungentes, & functuros; sublati eis, & eorum cuilibet, quavis aliter iudicandi, & interpretandi facultate, & auctoritate iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, ipsique Petro Marcellino Episcopo Cardinali moderno, ac pro tempore existenti prædictæ Congregationis Casinensis apud Sedem Apostolicam Protectori harum serie injungentes, ut easdem præfatas literas executioni mandari, observari, & custodiri mandet, & faciat.

§. 5. Non obstantibus quoad ea, quæ præsentibus adversantur prioribus literis nostris præfatis, ac quibusvis Constitutionibus, & Ordinationibus Apostolicis, necnon omnibus, & singulis illis, quæ in iisdem prioribus literis nostris concessa sunt, non obstat, ceterisque contrariis quibuscumque.

Datum Romæ apud Sanctam Mariam Majorem sub annulo Piscatoris die XXVIII. Februarii MDCCXXXV. Pontificatus nostri anno V.

F. Cardinalis Oliverius.

Statutum, ut Capitulum generale Ordinis S. Hippoliti Mexican. de cetero de sexennio in sexennium celebretur.

CLIII.

CLEMENS PP. XII.

Ad futuram rei memoriam.

§. 1. CUM sicut dilecti filii Fratres Ordinis Hospitalis S. Hippoliti Mexican. tam suo, quam ejusdem ordinis nomine nobis nuper exponi fecerunt, per Constitutiones dicti Ordinis, auctoritate Apostolica confirmatas expresse disponatur, quod illius Capitulum generale quolibet triennio celebretur, id vero cum ejusmodi ordo per diversas Americæ Regiones dilatatus sit, gravem incommoditatem afferat, ac Superior Generalis Ordinis huiusmodi visitationem suam in triennio prædicto complere nequeat, cupiantque propterea iidem exponentes opportune in præmissis a nobis provideri, & ut infra indulgeri.

Capitula Generalia quolibet triennio celebrare grave Ordini cum esset.

§. 2. Nos ipsos Exponentes specialibus favoribus, & gratis prosequi volentes, & eorum singulas personas a quibusvis &c. censentes, supplicationibus eorum nomine nobis super hoc humiliter porrectis inclinati, de venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui rem undique mature discusserunt consilio, ut de cetero (prædictas Constitutiones, ejusdem Cap. IV. hac in parte reformantes) Capitulum generale prædicti Ordinis hospitalarii quolibet sexennio a proximo futuro Capitulo generali quod anno proximo venturo celebrandum est, incipiendo, atque ita de sexennio in sexennium continuando celebretur, auctoritate Apostolica tenore præsentium statuimus, & ordinamus, salva tamen semper in præmissis auctoritate Congregationis eorumdem Cardinalium.

Clemens illud protrahit ad sexennium in perpetuum.

§. 3. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices, ordinarios, & Delegatos, etiam causarum Palatii Apostolici Auditores, judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Præfatis Constitutionibus firmitas.

§. 4. Non obstant. præmissis, ac Constitutionibus, & Ordinationibus Apostolicis, nec non dicti Ordinis, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, & ad verbum insertis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Derogatio contrariarum.